

水經卷三十七

漢桑欽撰

後魏酈道元注



淹水

葉榆水

夸水

油水

澧水

沅水

浪水

淹水出越雋遂久縣徼外

呂忱曰淹水一曰復水也

東南至蜻蛉縣

縣有禺同山其山神有金馬碧雞光景儵忽民多見

之漢宣帝遣諫大夫王褒祭之欲置其雞馬褒道病

而卒是不果焉王褒碧雞頌曰敬移金精神馬縹碧

之雞

王褒碧雞頌曰持節使者敬移金精神馬縹碧雞歸來歸來漢德無疆黃龍見兮白虎仁歸

來歸來可以爲倫歸故左太冲蜀都賦曰金馬騁光
來翔兮何事南荒也而絕影碧雞儵忽而耀儀

又東過姑復縣南東入於若水

淹水逕縣之臨池澤而東北逕雲南縣西東北注若
水也

益州葉榆河出其縣北界屈從縣東北流

縣故滇池葉榆之國也漢武帝元封二年使唐蒙開
之以爲益州郡郡有葉榆縣縣西北十里有弔鳥山
衆鳥千百爲羣共會嗚呼啁哳每歲七八月至十六
七日則止一歲六至雉雀來弔夜燹火而取之其無
嗉不食似特悲者以爲義則不取也俗言鳳皇死於

此山故衆鳥來弔因名曰弔鳥

鄂義恭廣志作弔鳥山在縣西北八十里

每歲七月八月晦望至集六日則止又九州要記云一歲必一度大集是鳳皇死地李彤四部云弔鳥山

俗傳鳳死於上每歲七月縣之東有葉榆澤葉榆水至九月羣鳥常來集其處

所鍾而爲此川藪也

過不韋縣

縣故九隆哀牢之國也有牢山其先有婦人名沙臺

後漢書作沙壹

居於牢山捕魚水中觸沈木若有感因懷孕

產十子後沈木化爲龍出水九子驚走一子不能去

背龍而坐龍因抱之

後漢書作抵之

其母鳥語謂皆爲九謂

坐爲隆因名爲九隆及長諸兄遂相共推九隆爲王

後牢山下有一夫一婦生十女九隆皆以爲妻遂因

孳育皆畫身象龍文衣皆著尾九隆死世世不與中

國通漢建武二十三年王遣兵乘革船南下水攻漢

鹿崩民

後漢書云建武二十三年其王賢栗遣兵乘革船南下江漢擊附塞夸鹿蓼注云革音蒲

佳反縛竹木爲革以當船也蓼音多

鹿崩民弱小將爲所擒於是天大

震雷疾雨南風漂起水爲逆流波涌二百餘里革船

沈沒溺死數千人後數年復遣六王將萬許人攻鹿

崩鹿崩王與戰殺六王哀牢耆老共薶之其夜虎掘

而食之明旦但見骸骨驚怖引去乃懼謂其耆老小

王曰哀牢犯徼自古有之今此攻鹿崩輒被天誅中

國有受命之王乎何天祐之明也即遣使道

一作越詣

嵩奏獻求乞內附長保塞徼漢明帝永平十二年置

爲永平郡永平當作永昌漢郡國志明帝永平十二年分益州置永昌郡罷益州西部都尉

郡治不韋縣蓋秦始皇徙呂不韋子孫於此故以不

韋名縣北去葉榆六百餘里榆水不逕其縣自不韋

北注者盧倉禁水耳榆水自縣南逕遂久縣東又逕

姑復縣西與淹水合又東南逕永昌邪龍縣縣以建

興三年劉禪分隸雲南於不韋縣爲東北

東南出益州界

葉榆水自邪龍縣東南逕秦藏縣也南與濮水同注

填澤於連然雙柏縣也秦藏漢志作秦臧濮作僕填作滇連然雙柏二縣名榆

水自澤又東北流滇池縣南又東逕同竝縣南又東

逕漏江縣伏流山下復出蝮口謂之漏江左思蜀都

賦曰漏江狀流潰其阿汨若湯谷之揚濤沛若濛汜

之涌波諸葛亮之平南中也戰於是水之南榆水又

逕賁古縣北東與盤江合盤水出律高縣東南盤町

山盤町當作監町漢地志云益州律高縣西石東逕

梁水郡北梁水當作卑水漢地志越嶲有卑水縣賁古縣南水廣百餘

步溪處十丈甚有瘴氣朱裒之反李恢追至盤江者

建武十九年伏波將軍馬援上言從麋泠出賁古

擊益州臣所將越駱萬餘人便習戰鬪者二千兵以

上弦毒矢利以數發矢注如雨所中輒死愚以行兵

此道最便蓋承藉水利用爲神捷也盤水又東逕漢

興縣山谿之中多生邛竹桺榔樹樹出麴而夸人資

以自給故蜀都賦曰邛竹緣嶺又曰麴有桄榔博物志云

蜀中有樹名桄榔皮裏出屑如麴屑用作餅餌謂之桄榔麴魏王花木志曰桄榔出興古國者樹高七八丈

其大者一樹出麴百斛異物志云桄榔木外皮有毛似桤欄而散作絳縵漬之不腐盤水北入

榆水諸葛亮入南中戰於盤中宋本作盤東是

入牂牁郡西隨縣北為西隨水又東出進桑關

進桑縣牂牁之南部都尉治也水上有關故曰進桑

關也故馬援言從麋泠水道出進桑王國至益州貴

古縣轉輸通利蓋兵車資運所由矣自西隨至交阯

崇山接險水路三千里榆水又東南絕溫水而東南

注於交阯

過交阯麋泠縣北分為五水絡交阯郡中至東界一作南界

復合爲三水東入海

尚書大傳曰堯南撫交趾於禹貢荊州之南垂幽荒之外故越也周禮南八蠻雕題交趾有不粒食者焉春秋不見於傳不通於華夏在海島人民鳥語秦始皇開越嶺南立蒼梧南海交趾象郡漢武帝元鼎二年始并百越啓七郡於是乃置交趾刺史以督領之初治廣信所以獨不稱州時又建朔方郡舊本作明已始開北垂遂辟交趾於南爲子孫基趾也麋泠縣漢武帝元鼎六年開都尉治交趾外域記曰越王令二使者典主交趾九真二郡民後漢遣伏波將軍路博德討越王路將軍到合浦越王令二使者齎牛百頭酒

千鍾及一郡民戶口簿詣路將軍乃拜二使者爲交
阯九真太守主諸雒將主民如故交阯郡及州本治
於此也州名爲交州後朱熹雒將子名詩索麋泠雒
將女名徵側爲妻側爲人有膽勇將詩起賊攻破州
郡服諸雒將皆屬徵側爲王治麋泠縣得交阯九真
二郡民二歲調賦後漢遣伏波將軍馬援將兵討側
詩走入金谿究三歲乃得爾時西蜀竝遣兵共討側
等悉定郡縣爲令長也山多大蛇名曰髯蛇長十丈
圍七八尺常在樹上伺鹿獸鹿獸過側低頭繞之有
頃鹿死先濡令溼訖側吞頭角骨皆鑽皮出山夸始
見蛇不動時側以大竹籤籤蛇頭至尾殺而食之以

爲珍異故楊氏南裔異物志曰髯惟大蛇旣洪且長
采色駁犖其文錦章食豕吞鹿腴成養創賓享嘉宴
是豆是觴言其養創之時肪腴甚肥搏之以婦人衣
投之則蟠而不起走僂可得也此二水左水東北逕
望海縣南建武十九年馬援征徵側置又東逕龍淵
縣北又東合南水自麋泠縣東逕封谿縣北交州外
域記曰交阯昔未有郡縣之時土地有雒田其田從
潮水上下民墾食其田因名爲雒民設雒王雒侯主
諸郡縣縣多爲雒將雒將銅印青綬後蜀王子將兵
三萬來討雒王雒侯服諸雒將蜀王子因稱爲安陽
王後南越王尉他舉衆攻安陽王安陽王有神人名

臯通下輔佐爲安陽王治神弩一張一發殺三百人

南越王知不可戰却軍住武寧縣按晉太康記縣交

趾

一本作縣屬交趾

越遣太子名始降服安陽王稱臣事之

安陽王不知通神人遇之無道通僂去語王曰能持

此弩王天下不能持此弩者亡天下通去安陽王有

女名曰睂珠見始端正珠與始交通始問珠令取父

弩視之始見弩僂盜以鋸截弩訖僂逃歸報越王越

進兵攻之安陽王發弩弩折遂敗安陽王下船逕出

於海今平道縣後王宮城見有故處晉太康地記縣

屬交趾越遂服諸雒將馬援以西南治遠路逕千里

分置斯縣治城郭穿渠通道溉灌以利其民縣有猩

猩獸形若黃狗又狀貍狔人面頭顏端正善與人言
音聲麗妙如婦人好女對語交言聞之無不酸楚其
肉甘美可以斷穀窮年不厭又東逕龍淵縣故城南又東左
地高自西里進屯此又東逕龍淵縣故城南又東左
合北水建安二十三年立州之始蛟龍蟠編於水南
北一津故改龍淵以龍編爲名也盧循之寇交州也
交州刺史杜惠度率水步晨出南津以火箭攻之燒
其船艦一時潰散循亦中矢赴火而死於是斬之傳
首京師惠度以斬循勳封龍編侯劉欣期交州記曰
龍編縣功曹左飛曾化爲虎數月還作吏旣言其化
亦化無不在牛哀易虎不識厥兄當其革狀安知其

譌變哉其水又東逕曲易縣

曲易當作由易漢志交趾郡有由易縣易古陽

字

東流注於浪鬱

當作浪鬱

經言於郡東界復合爲三水

此其一也其次一水東逕封谿縣南又西南逕西於

縣南又東逕羸樓

羸樓音蓮簾

縣北又東逕北帶縣南又

東逕稽徐縣涇水注之水出龍編縣高山東南流入

稽徐縣注於中水中水又東逕羸樓縣南交州外域

記曰本縣交趾郡治也林邑記曰縣本自交趾南行

都官塞浦出焉其水自縣東逕安定縣北帶長江江

中有越王所鑄銅船潮水退時人有見之者其水又

東流隔水有泥黎城言阿育王所築也又東南合南

水南水又東北逕九德郡北交州外域記曰交趾郡

更有扶嚴究在郡之北隔渡一江即是水也江北對

交趾朱戴縣又東逕浦陽縣北又東逕無功漢志作無切

縣北建武十九年九月馬援上言臣謹與交趾精兵

萬二千人與大兵合二萬人船車大小二千艘自入

交趾於今為盛十月援南入九真至無功縣賊渠降

進入餘發餘發縣名渠帥朱伯棄郡亡入溪林巨數犀象

所聚羣牛數千頭時見象數十百為羣援又分兵入

無編縣王莽之九真亭至居風縣帥不降竝斬級數

十百九真乃清當作靖其水又東逕句漏縣縣帶江水

江水對安定縣林邑記所謂外越安定縣紀粟者也

縣江中有潛牛形似水牛上岸鬪角軟還入江水角

堅復出又東與北水合又東注鬱亂流而逝矣此其
二也平撮通稱同歸鬱海故經有入海之文矣

夸水山巴郡魚復縣江

夸水即佷山清江也水色清照十丈分沙

後漢書注引此云分

沙蜀人見其澄清因名清江也昔廩君浮土舟於夸

水據捍關而王巴是以法孝直有言魚復捍關臨江

據水實益州禍福之門夸水又東逕建平沙縣縣有

巫城南岸水山道五百里其水歷縣東出焉

東南過佷山縣南

前漢地志佷山屬武陵郡後漢郡國志佷山屬南郡晉地理志佷山屬宜

郡都

夸水自沙渠入縣水流淺狹裁得通船東逕難留城

南城即山也獨立峻絕西面上里餘得石穴把火行
百許步得二大石磧竝立穴中相去一丈俗名陰陽
石陰石常溼陽石常燥每水旱不調居民作威儀服
飾往入穴中是則鞭陰石應時雨多雨則鞭陽石俄
而天晴相承所說往往有效但捉鞭者不壽人頗惡
之故不爲也東北面又有石室可容數百人每亂民
入室避賊無可攻理因名難留城也昔巴蠻有五姓
未有君長俱事鬼神乃共擲劒於石穴約能中者舉
以爲君巴氏子務相乃中之人又令各乘土舟約浮
者當以爲君唯務相獨浮因共立之是爲廩君乃乘
土舟從夸水下至鹽陽鹽水有神女謂廩君曰此地

廣大魚鹽所出願留共居廩君不許鹽神暮輒來宿旦化爲蟲群飛蔽日天地晦暝積十餘日廩君因伺俛射殺之天乃開明廩君乘土舟下及夸城夸城石岸嶮曲其水亦曲廩君望之而歎山崖爲崩廩君登之上有平石方二丈五尺因立城其旁而居之四姓臣之死精魂化而爲白虎故巴氏以虎飲人血遂以人祀鹽水即夸水也又有鹽石即鹽陽石也盛弘之以是推之疑即廩君所射鹽神處也將知是陰石是對陽石立名矣事旣鴻古難爲明徵夸水又東逕石室在層巖之上石室南向水出其下縣崖千仞自水上逕望見每有陟山嶺者扳木側足而行莫知其誰